



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Opštinom Rudo

Izveštaj o održanom drugom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Opštini Rudo

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Opštinom Rudo, u srijedu (1. novembra, 2023. godine) od 9 do 12 sati održan je drugi mentorski sastanak za zainteresovane predstavnike/ice organizacija civilnog društva (OCD). Mentorski sastanak održan je u maloj Sali Doma kulture i bio je prilika da predstavnici/ce OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Na drugom mentorskom sastanku prisustvovalo je ukupno devet učesnika/ca (1M; 8Ž) i to pet predstavnika/ca OCD, jedna predstavica Lokalne razvojne agencije Rudo i tri UN volonterke.

Na početku mentorskog sastanka, učesnicima je ponovno pojašnjena uloga mentora/ice i svrha održavanja mentorskih sastanaka. Tom prilikom je naglašeno kako je uloga mentora/ice **da pomogne u otklanjanju dilema i nedoumica koje predstavnici/e OCD mogu imati tokom pripreme projektnih prijedloga**, ali da **uloga mentora/ice nije da na bilo koji način učestvuje u izradi samih projektnih prijedloga**. Istaknuto je također da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima/cama OCD nisu dozvoljene.

Tokom sastanka, te na osnovu diskusije učesnika/ca sastanka, pojašnjena je interventna logika, kao i SMART indikatori. Prisutnima je pojašnjena veza između aktivnosti, rezultata i ciljeva. Naglašeno je kako svaki set aktivnosti mora doprinijeti ostvarenju rezultata, te da svi pobrojani rezultati moraju dovesti do ostvarenja specifičnog cilja, koji će uticati na sam opći cilj. Učesnicima/cama je ponovljeno kako ciljevi njihovih projekata, odnosno sami projektni prijedlozi moraju korespondirati sa prioritarnim oblastima koje su definisane u javnom pozivu.

Predstavnici organizacija najviše poteškoća su imali u procesu definisanja indikatora. Zbog toga im je na sastanku pojašnjena veza ciljeva i rezultata sa indikatorima, uz obrazloženje kako indikatori moraju biti SMART. Svaki indikator mora imati svoju vrijednost s obzirom da će oni biti osnov za praćenje napretka ostvarenja postavljenih rezultata i ciljeva. Pojašnjen je izvor verifikacije i veza sa indikatorom.

Posebna pažnja tokom mentorskog sastanka bila je posvećena odabiru projekta kojima će organizacije aplicirati na javni poziv. Organizacijama je savjetovano da prije početka pripreme projekta razgovaraju s potencijalnom grupom, kako bi ustanovile s kojim se problemima zaista susreću potencijalni korisnici, jer bi projekat trebalo da ponudi rješenja za detektovane probleme. Napomenula je da se projekat ne odnosi na redovne aktivnosti udruženja, ali da mora biti usklađen sa nadležnostima udruženja. Navela je primjer da organizacija, koja je po osnivačkim aktima nadležna

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



za brigu o osobama s poteškoćama ne može aplicirati s projektom koji se odnosi na poljoprivrednu proizvodnju.

Mentorica je naglasila da je ciljna grupa izuzetno bitna, te da organizacije prilikom definisanja direktnih korisnika vode računa o njihovom broju. Preporučeno im je da broj direktnih korisnika bude usklađen sa aktivnostima i samim budžetom, kako u projektu ne bi imali ni prevelik, a ni premali nego realan broj učesnika u projektnim aktivnostima.

Tokom sastanka, te na osnovu diskusije učesnika/ca sastanka, dodatno je pojašnjena struktura budžeta. Prisutnima je pojašnjena razlika između ljudskih resursa i osoba (edukatori, stručnjaci i sl.) koji će biti angažovani za potrebe implementacije projekta. Naglašeno je kako su ljudski resursi osobe koje rukovode projektom, odnosno zadužene su za kompletnu implementaciju projektnih aktivnosti, a da su ostale osobe koje će biti angažovane za potrebu implementacije projektnih aktivnosti u suštini projektni trošak.

Na kraju sastanka mentorica se zahvalila prisutnim predstavnicima OCD na učešću, te najavila da će u utorak 7. novembra, 2023. godine s početkom u 11 sati, također u Maloj sali Doma kulture biti organizovan treći mentorski sastanak. Planirano je da na narednom mentorskom sastanku organizacije pripreme nacrt budžeta i projektnog prijedloga, te da s mentoricom riješe eventualne dileme i nedoumice u pogledu pripreme ovih dokumenata.

U svrhu transparentnosti, svi zapisnici, uključujući i ovaj, sa održanih sastanaka sa mentorom/icom će biti objavljeni na stranici Opštine Rudo. Na ovaj način bit će omogućeno da informacije budu dostupne za OCD koje nisu bile u mogućnosti da prisustvuju sastancima sa mentorom.